

仲景全書



傷寒論集注十卷 金匱要略方論三卷

傷寒類證三卷 運氣掌訣錄一卷

傷寒明理論三卷 附藥方論

泉唐沈 崇澤 署檢



太極圖說  
卷中  
朱熹  
校



重刊仲景全書叙

余幼不知醫因室人產後欬嗽醫者皆不知其爲陽虛內  
寒之症始用清涼發散繼則滋陰降火年餘而病益加劇  
友人朗然江翁代延曹樂齋先生至舍診視而驚曰此  
此服寒涼之悞也連用大劑溫中回陽病雖減而形已壞  
先生曰脈見浮而虛重按全無兼之運氣中屍棺墓已全  
毫無生氣如樹根本已枯不過小滿矣無何果如所言嗚  
呼余之室不死於病而死於醫不死於醫而實死於予之  
不諳於醫是則余之自誤耳始悉先生術之精妙乃踵門  
而請業焉先生不憚勞苦凡靈樞素問以及傷寒金匱脈  
訣五運六氣之書靡不口講指畫開迪愚蒙於以知年之

加臨氣之盛衰天人之所以合應繼而復讀肯堂準純嘉  
言尙論以及舒氏汪氏丹溪河間東垣子和諸賢緒論之  
知仲聖遺書已爲諸君各出手眼剪裁大半而運氣之  
法尤罕有言焉余承師授有運氣掌訣錄秘帙置之篋中  
今四十餘年矣適余長孫於滬上與日本醫人交好見篋  
頭有伊國所刻仲景全書歸而告余余曰噫此仲聖之原  
書中國所傳久經竄易不圖完壁猶存於海外也汝曷爲  
我致之明年余孫至滬醫人名已大噪因述余意醫人曰  
吾國之書板焚燬已數十年此吾祖之所遺也余孫力借  
以歸余欣然展讀與余藏運氣秘帙正相符合於是予數  
十年之心始無歉然矣余幸得覩其全因亟爲鈔出而歸

之成都鄧少如氏願爲重刻以公諸世卽舉以付並將  
氣掌訣錄一冊附列於後讀者得以互相印證俾先  
篇不致失傳於中土斯則醫林之大幸矣

大清光緒十八年九月望日武陽胡乾元子善氏序



仲景全書序

歲乙未吾邑疫癘大作予家臧獲率六七就枕席垂髮利  
緩明卿沈君南昉在海虞藉其力而起死亡殆徧予家得  
大造於沈君矣不知沈君掾何術而若斯之神因詢之君  
曰予豈探龍藏秘典剖青囊奧旨而神斯也哉特于仲景  
之傷寒論窺一斑兩斑耳予曰吾聞是書于家大夫之日  
久矣而書肆間絕不可得君曰予誠有之予讀而知其爲  
成無已所解之書也然而魚亥不可正句讀不可離矣已  
而購得數本字爲之正句爲之離補其脫略訂其舛錯沈  
君曰是可謂完書仲景之忠臣也予謝不敏先大夫命之  
爾其板行斯以惠厥同胞不肖孤曰唯唯沈君曰金匱要



略仲景治雜證之秘也。蓋并刻之。已見古人攻擊補瀉。緩急調停之心法。先大夫曰：小子識之不肖。孤曰：敬哉。既刻。刻則名何從？先大夫曰：可哉。命之名。仲景全書既刻。已復得宋板傷寒論焉。予曩固知成注非全文。及得是書。不啻拱壁轉卷。問而後知成之荒也。因復并刻之。所以承先大夫之志也。又故紙中檢得傷寒類證三卷。所以彙括仲景之書。去其煩而歸之簡。聚其散而彙之一。其于病證脈方。若標月指之明。且盡仲景之法。于是粲然無遺矣。乃并附于後。予因是哀夫世之人。向故不得盡命而死也。夫仲景殫心思于軒岐辨證。候于絲髮。著爲百十二方。以全民命。斯何其仁且愛而躋一世於仁壽之域也。乃今之業醫者。

舍本逐末超者曰東垣局者曰丹溪已矣而敢稱高識者則玉機微義是宗若素問若靈樞若玄珠密語則塔茫乎而不知旨歸而語之以張仲景劉河間幾不能知其人與世代猶覲然曰吾能已病足矣奚高遠之是務且於今之讀軒岐書者必加誚曰是夫也徒讀父書耳不知兵變也夫不知變者世誠有之以其變之難通而遂棄之者是猶食而咽也去食以求養生者哉必且不然矣則今日是書之刻烏知不爲肉食者大嗤乎說者謂陸宣公達而以奏疏醫天下窮而聚方書以醫萬民吾子固悠然有世思哉予曰不之是先大夫之志也先大夫固嘗以奏疏醫父子之倫醫朋黨之漸醫東南之民瘼以直言敢諫醫諂諛者



之膏肓故躋之日多達之日少而是書之刻也其先大夫  
宣公之志與今先大夫歿垂四年而書成先大夫處江湖  
退憂之心蓋與居廟堂進憂之心同一無窮矣客曰弟  
爲之而以爲先公之志殆所謂善則稱親與不肖無自不  
知是先大夫之志也

萬厯己亥三月穀旦海虞清常道人趙開美序

註解傷寒論序

夫前聖有作後必有繼述之者則其教乃得著於世矣醫之道源自炎黃以至神之妙始興經方繼而伊尹以聖之才撰成湯液俾黎庶之疾疢咸遂蠲除使萬代之生靈普蒙拯濟後漢張仲景又廣湯液爲傷寒卒病論十數卷然後醫功備茲先聖後聖若合符節至晉太醫令王叔和以仲景之書撰次成序得爲完秩昔人以仲景方一部爲衆方之祖蓋能繼述先聖之所作迄今千有餘年不墜於地者又得王氏闡明之力也傷寒論十卷其言精而奧其法簡而詳非寡聞淺見所能蹟究後雖有學者又各自名家未見發明僕忝醫業自幼徂老耽味仲景之書五十餘



年矣雖粗得其門而近升乎堂然未入於室常爲之慊然  
昨者解后聊攝成公議論該博術業精通而有家學註成  
傷寒論十卷出以示僕其三百九十七法之內分析異同  
彰明隱奧候陳脈理區別陰陽使表裏以昭然俾注  
灼見百一十二方之後通明名號之由彰顯藥性之主注  
劑輕重之攸分七精制用之斯見別氣味之所宜明補瀉  
之所適又皆引內經旁牽衆說方法之辨莫不允當寔前  
賢所未言後學所未識是得仲景之深意者也昔所謂慊  
然者今悉達其奧矣親覲其書誠難默默不揆荒蕪聊序  
其畧時甲子中秋日洛陽嚴器之序

傷寒論後序

夫治傷寒之法歷觀諸家方書得仲景之多者惟孫思邈  
猶曰見太醫療傷寒惟大青知母等諸冷物投之極與仲  
景本意相反又曰尋方之大意不過三種一則桂枝  
麻黃三則青龍凡療傷寒不出之也嗚呼是未知法之深  
者也嘗攷仲景之意治病發於陽者以桂枝生姜大棗之  
類發於陰者以乾薑甘草附子之類非謂全用溫熱藥蓋  
取素問辛甘發散之說且風與寒非辛甘不能發散之也  
而又中風自汗用桂枝傷寒無汗用麻黃中風見寒脈傷  
寒見風脈用青龍若不知此欲治傷寒者是未得其門矣  
然則此之三方春冬所宜用之若夏秋之時病多中暍當



行白虎也故陰陽大論云脈盛身寒得之傷寒脈虛身熱  
得之傷暑又云五月六月陽氣已盛爲寒所折病熱則重  
別論云太陽中熱暍是也其人汗出惡寒身熱而渴白虎  
主之若誤服麻黃桂枝輩未有不黃發斑出脫血而得生  
者此古人所未至故附于卷之末云

傷寒卒病論集

論曰予每覽越人入虢之診觀齊侯之色未嘗不慨然歎其才秀也怪當今居世之士曾不留神醫藥精究方術上以療君親之疾下以救貧賤之厄中以保身長全以養其生但競逐榮勢企踵權豪孜孜汲汲惟名利是務崇飾其末忽棄其本華其外而悴其內皮之不存毛將安附焉卒然遭邪風之氣嬰非常之疾患及禍至而方震慄降志屈節欽望巫祝告窮歸天束手受敗賫百年之壽命持至貴之重器委付凡醫恣其所措咄嗟嗚呼厥身已斃神明消滅變爲異物幽潛重泉徒爲啼泣痛夫舉世昏迷莫能覺悟不惜其命若是輕生彼何榮勢之云哉而進不能愛人



知人退不能愛身知己遇災值禍身居厄地蒙蒙昧昧蠢  
若遊魂哀乎趨世之士馳競浮華不固根本忘軀徇物若  
若冰谷至於是也余宗族素多向餘二百建安紀年以來  
猶未十稔其死亡者三分有二傷寒十居其七感律音之  
淪喪傷橫天之莫救乃勤求古訓博采眾方撰用素問  
卷八十一難陰陽大論胎臚藥錄并平脈辨證爲傷寒雜  
病論合十六卷雖未能盡愈諸病庶可以見病知源若能  
尋余所集思過半矣夫天布五行以運萬類人稟五常以  
有五臟經絡腑俞陰陽會通玄冥幽微變化難極自非才  
高識妙豈能探其理致哉上古有神農黃帝岐伯伯高雷  
公少俞少師仲文申世有長桑扁鵲漢有公乘陽慶及倉

公下此以往未之聞也觀今之醫不念思求經旨以演其  
所知各承家技終始順舊省疾問病務在口給相對斯須  
便處湯藥按寸不及尺握手不及足人迎跌陽三部不參  
動數發息不滿五十短期未知決診九候曾無髣髴明堂  
闕庭盡不見察所謂窺管而已夫欲視死別生實爲難矣  
孔子云生而知之者上學則亞之多聞博識知之次也余  
宿尚方術請事斯語漢長沙太守南陽張機著



傷寒論序

夫傷寒論蓋祖述大聖人之意諸家莫其倫擬故晉是東  
謚序甲乙鍼經云伊尹以元聖之才撰用神農本草以為  
湯液漢張仲景論廣湯液為十數卷用之多驗近世大醫  
令王叔和撰次仲景遺論甚精皆可施用是仲景本伊尹  
之法伊尹本神農之經得不謂祖述大聖人之意乎張仲  
景漢書無傳見名醫錄云南陽人名機仲景乃其字也舉  
孝廉官至長沙太守始受術於同郡張伯祖時人言識用  
精微過其師所著論其言精而奧其法簡而詳非淺聞寡  
見者所能及自仲景于今八百餘年惟王叔和能學之其  
間如葛洪陶景胡洽徐之才孫思邈輩非不才也但各自

